

醫
統
正
脈
全
書

二七

傷寒論十卷目錄

卷第一

辨脉法

平脉法

卷第二

傷寒例

辨痊濕暍脉證

辨太陽病脉證并治法上

卷第三

傳異言 目錄
辨太陽病脉證并治法中

卷第四

辨太陽病脉證并治法下

卷第五

辨陽明病脉證并治法

辨少陽病脉證并治法

卷第六

辨太陰病脉證并治法

辨少陰病脉證并治法

辨厥陰病脉證并治法

卷第七

辨霍亂病脉證并治法

辨陰陽易差後病脉證并治法

辨不可發汗病脉證并治法

辨可發汗病脉證并治法

卷第八

辨發汗後病脉證并治法

辨不可吐

辨可吐

卷第九

辨不可下病脉證并治法

辨可下病脉證并治法

卷第十

辨發汗吐下後病脉證并治法

傷寒論藥方目錄

卷一

無方

卷二

方六道

桂枝湯

桂枝二越婢一湯

甘草乾薑湯

芍藥甘草湯

調胃承氣湯

四逆湯

卷三

方二十七道

葛根湯

葛根黃芩黃連湯

麻黃湯

大青龍湯

小青龍

乾薑附子湯

麻黃杏仁甘草石膏湯

桂枝甘草湯

茯苓桂枝甘草大棗湯

厚樸生薑半夏甘草人參湯

茯苓桂枝白朮甘草湯

芍藥甘草附子湯

茯苓四逆湯

五苓散

茯苓甘草湯

梔子豉湯

梔子厚樸湯

梔子乾薑湯

小柴胡湯

小建中湯

大柴胡湯

桃核承氣湯

柴胡加龍骨牡蠣湯

救逆湯

桂枝甘草龍骨牡蠣湯

抵當湯

抵當圓

卷四

方一十九道

大陷胷圓

大陷胷湯

小陷胷湯

文蛤散

白散

柴胡桂枝乾薑湯

半夏瀉心湯

十棗湯

大黃黃連瀉心湯

赤石脂禹餘糧湯

旋覆代赭石湯

桂枝人參湯

瓜蒂散

黃芩湯

黃連湯

桂枝附子湯

甘草附子湯

白虎湯

炙甘草湯

卷五

方十道

大承氣湯

小承氣湯

豬苓湯

蜜煎導方

猪膽汁方

茵陳蒿湯

吳茱萸湯

麻仁圓

梔子蘘皮湯

麻黃連軹赤小豆湯

卷六

方二十道

麻黃附子細辛湯

麻黃附子甘草湯

黃連阿膠湯

附子湯

桃花湯

猪膚湯

甘草湯

桔梗湯

苦酒湯

半夏散及湯

白通湯

白通加豬膽汁湯

真武湯

通脈四逆湯

四逆散

烏梅圓

當歸四逆湯

麻黃升麻湯

乾薑黃芩黃連人參湯

白頭翁湯

卷七

方五道

理中圓

理中湯附

燒裨散

枳實梔子湯

牡蠣澤瀉散

竹葉石膏湯

卷八

無方

卷九

無方

卷十

無方

此下二十五方雖於隨證下有之緣多以加減爲文似未詳備故復載方在末卷

桂枝加葛根湯

桂枝加厚樸杏子湯

桂枝加附子湯

尤附湯方附

桂枝去芍藥湯

桂枝去芍藥加附子湯

桂枝麻黃各半湯

桂枝一麻黃一湯

白虎加人參湯

桂枝去桂加茯苓白朮湯 已上九方證
在第二卷

葛根加半夏湯

桂枝加芍藥生薑人參新加湯

梔子甘草豉湯 梔子生薑豉湯

柴胡加芒硝湯 桂枝加桂湯 已上六方證
在第三卷

柴胡桂枝湯 附子瀉心湯

生薑瀉心湯 甘草瀉心湯

黃芩加半夏生薑湯 已上五方證
在第四卷

桂枝加大黃湯 桂枝加芍藥湯

四逆加吳茱萸生薑湯 已上五方證
在第六卷

四逆加人參湯

四逆加豬膽汁湯方 已上五方證
在第七卷

已上十卷內計方一百一十二道

此經方劑並按古法錙銖分兩與今不同謂如呶咀者
卽今之剉如麻豆大是也云一升者卽今之大白盞也
云銖者六銖爲一分 卽二錢半也 二十四銖爲一兩也云三
兩者卽今之一兩云三兩卽今之六錢半也料例大者
只合三分之一足矣

注解傷寒論卷四

江陰朱氏校勘本

漢張仲景述

王叔和撰次

成無己注解

辨太陽病脉證并治法下第七

問曰病有結胃有藏結其狀何如答曰按之痛寸脉浮

關脉沉名曰結胃也何謂藏結答曰如結胃狀飲食如

故時時下利寸脉浮關脉小細沉緊名曰藏結舌上白

胎滑者難治

結胃者邪結在胃藏結者邪結在藏二者皆下後邪氣乘虛入裏所致下後邪氣入

裏與陽相結者為結胃以陽受氣於胃中故爾與陰相結者為藏結以陰受之則入五藏故爾氣宜通而塞故

痛邪結陽分則陰氣不得上通邪結陰分則陽氣不得下通是二者皆心下鞭痛寸脉浮關脉沉知邪結在陽

也寸脉浮關脉小細沉緊知邪結在陰也陰結而陽不
結雖心下結痛飲食亦自如故陰氣乘腸虛而下故時
時自下利陰得陽則解藏結得熱證多則易治
舌上白胎滑者邪氣結胃中亦寒故云難治 藏結無

陽證不往來寒熱其人反靜舌上胎滑者不可攻也

於法當下無陽證為表無熱不往來寒熱為半表半裏
無熱其人反靜為裏無熱經曰舌上如胎者以丹田有
熱胃中有寒邪氣以病發於陽而反下之熱入因作結
表裏皆寒故不可攻

胃病發於陰而反下之因作痞所以成結胃者以下之

太早故也 發熱惡寒者發於陽也而反下之則表中陽

陰也而反下之則表中陰 邪入裏結於心下為痞 結胃者項亦強如柔痙狀下

之則和宜大陷胃丸方 結胃病項強者為邪結胃中胃
膈結滿心下緊實但能仰而不

能俛是項強亦如柔瘥之狀也與大陷胸丸下結泄滿

大陷胃丸方

大黃 半斤味苦寒 **葶藶** 半升熬味苦寒 **芒硝** 半升味鹹寒

杏仁 半升去皮尖熬黑味苦甘溫

大黃芒硝之苦鹹所以下熱葶藶杏仁之苦甘所以泄滿甘遂取其直達之蜜取其潤利皆以下泄滿實也

右肆味搗篩貳味內杏仁芒硝合研如脂和散取如彈丸壹枚別搗甘遂末壹錢七白蜜貳合水貳升煮取壹升溫頓服之壹宿乃下如不下更服取下為効

禁如藥法

結胃證其脉浮大者不可下下之則死

結胃為邪結胃中屬上焦之分

得寸脉浮關脉沉者為在裏則可下若脉浮大心下雖

結是在表者猶多未全結也下之重虛邪氣復結則難

可制故云結胃證悉具煩躁者亦死

下之則死已深也煩躁者正

氣散亂也邪氣勝正病者必死

太陽病脉浮而動數浮則為風數則為

熱動則為痛數則為虛頭痛發熱微盜汗出而反惡寒

者表未解也醫反下之動數變遲膈內拒痛胃中空虛

客氣動膈短氣躁煩心中懊懣陽氣內陷心下因鞭則

為結胃大陷胃湯主之若不結胃但頭汗出餘處無汗

劑頸而還小便不利身必發黃也

動數皆陽脉也當責邪在表睡而汗出者

謂之盜汗為邪氣在半表半裏則不惡寒此頭痛發熱微盜汗出反惡寒者表未解也當發其汗醫反下之虛其胃氣表邪乘虛則陷邪在表則見陽脉邪在裏則見陰脉邪氣內陷動數之脉所以變遲而浮脉獨不變者以邪結胸中上焦陽結脉不得而沈也客氣者外邪乘胃中空虛入裏結於胃膈膈中拒痛者客氣動膈也金匱要略曰短氣不足以息者實也短氣躁煩心中懊憹皆邪熱為實陽氣內陷氣不得通於膈壅於心下為嘔滿而痛成結胃也與大陷胃湯以下結熱若胃中空虛陽氣內陷不結於胃膈下入於胃中者遍身汗出則為熱越不能發黃若但頭汗出身無汗劑頸而還小便不利者熱不得越必發黃也

大陷胃湯方

大黃

六兩去

芒硝

一升鹹寒

甘遂

一錢匕苦寒

大黃謂之將軍以苦蕩滌芒硝一名硝石以其鹹能
 煎鞭夫間有甘遂以通水也甘遂若夫間之遂其氣
 可以直達透結胷
 胷陷三物為允

右叁味以水陸升先煮大黃取貳升去滓內芒硝煮

壹兩沸內甘遂末温服一升得快利止後服

傷寒六七日結胷熱實脉沉而緊心下痛按之石鞭者

大陷胷湯主之

病在表而下之熱入因作結胷此不云
 下後而云傷寒六七日則是傳裏之實

熱也沉為在裏緊為裏實以心下痛按之
 實鞭是以為結胷與大陷胸湯以下結熱傷寒十餘日

熱結在裏復往來寒熱者與大柴胡湯但結胷無大熱

者此為水結在胷脇也但頭微汗出者大陷胷湯主之

傷寒十餘日熱結在裏是可下之證復往來寒熱爲正邪分爭未全斂結與大柴胡湯下之但結胃無大熱者非熱結也是水飲結於胃脇謂之水結胃周身汗出者是水飲外散則愈若但頭微汗出餘處無汗是水飲不得外泄停畜而不行也
太陽病重發汗而復下之不大與大陷胃湯以逐其水

便五六日舌上燥而渴日晡時小有潮熱從心下至少

腹鞭滿而痛不可近者大陷胃湯主之
重發汗而復下之則內外重亡

津液而邪熱內結致不大便五六日舌上燥而渴也日晡潮熱者屬胃此日晡小有潮熱非但在胃從心下至少腹鞭滿而痛不可近者是一腹之中上下邪氣俱甚也與大陷胃湯以下其邪
小結胃病正

在心下按之則痛脉浮滑者小陷胃湯主之
心下鞭痛手不可近

者結胃也正在心下按之則痛是熱氣猶淺謂之小結胃結胃脉沉緊或寸浮關沈今脉浮滑知熱未深結與

小陷胃湯以除胃膈上結熱也

小陷胃湯方

黃連

一兩 苦寒

半夏

半升 洗 辛溫

栝蘘實

大者一箇 苦寒

苦以泄之辛以散之黃連栝蘘實之苦寒以泄熱半夏之辛以散結

右叁味以水陸升先煮栝蘘取叁升去滓內諸藥煮

取貳升去滓分溫叁服

太陽病二三日不能卧但欲起心下必結脉微弱者此

本有寒分也反下之若利止必作結胃未止者四日復

下之此作協熱利也

太陽病二三日邪在表也不能卧但欲起心下必結者以心下結滿

卧則氣壅而愈甚故不能卧而但欲起也心下結滿有水
分有寒分有氣分今脉微弱知本有寒分醫見心下
結而反下之則太陽表邪乘虛入裏利止則邪氣留結
為結胃利不止至次日復如前下利不止者是邪熱下
攻腸胃為太
陽病下之其脉促不結胃者此為欲解也
挾熱利也

脉浮者必結胃也脉緊者必咽痛脉弦者必兩脇拘急

脉細數者頭痛未止脉沉緊者必欲嘔脉沉滑者協熱

利脉浮滑者必下血此太陽病下之後邪氣傳變其脉促者為陽盛下後脉促為陽勝陰

也故不作結胃為欲解下後脉浮為上焦陽邪結而為
結胃也經曰結胃者寸脉浮關脉沉下後脉緊則太陽

之邪傳於少陰經曰脉緊者屬少陰內經曰邪客於少
陰之絡令人嗑痛不可內食所以脉緊者必咽痛脉弦

則太陽之邪傳於少陽經曰尺寸俱弦者少陽受病也
其脉循脇絡於耳所以脉弦者必兩脇拘急下後邪氣

傳裏則頭痛當止脉細數為邪未傳裏而傷氣也細為氣少數為在表故頭痛未止脉沉緊則大陽之邪傳於陽明為裏實也沈為在裏緊為裏實陽明裏實故必欲嘔脉滑則太陽之邪傳於腸胃以滑為陰氣有餘知邪氣入裏干於下焦也沈為血勝氣虛是為協熱利浮為氣勝血虛是知必下血經曰不宜下而便攻之諸變不可勝數此病在陽應以汗解之反以冷水瀼之若灌之謂也

其熱被劫不得去彌更益煩肉上粟起意欲飲水反不

渴者服文蛤散若不差者與五苓散寒實結胃無熱證

者與三物小陷胷湯白散亦可服病在陽為邪在表也法當汗出而解反以

冷水瀼之灌洗熱被寒水外不得出則反攻其裏彌更益煩肉上粟起者水寒之氣客於皮膚也意欲飲水者裏有熱也反不渴者寒在表也與文蛤散以散表中水寒之氣若不差是水熱相搏欲傳於裏與五苓散發汗

以和之始熱在表因水寒制之不得外泄內攻於裏結於胃膈心下輒痛本以水寒伏熱為實故謂之寒實結胃無熱證者外無熱而熱悉收斂於裏也與小陷胃湯以下逐之白散下熱故亦可攻

文蛤散方

文蛤

五兩味鹹寒

鹹走腎則可以勝水氣

右壹味為散以沸湯和壹服湯用五合

白散方

桔梗

三分味辛苦微温

巴豆

一分去皮心熬黑研如脂辛温

貝母

三分味辛苦平

辛散而苦泄桔梗貝母之辛苦用以下氣巴豆之辛用以散實

右件參味爲散內巴豆更於臼中杵之以白飲和服
強人半錢匕羸者減之病在膈上必吐在膈下必利
不利進熱粥壹杯利過不止進冷粥壹杯身熱皮粟
不解欲引衣自覆者若水以澀之洗之益令熱劫不
得出當汗而不汗則煩假令汗出已腹中痛與芍藥
參兩如上法

太陽與少陽併病頭項強痛或眩冒時如結胷心下痞
鞭者當刺大椎第一間肺俞肝俞慎不可發汗發汗則
讖語脉弦五六日讖語不止當刺期門

太陽之脉絡頭
下項頭項強痛

者太陽表病也少陽之脉循胃絡脇如結胃心下痞鞭
者少陽裏病也太陽少陽相併為病不純在表故頭項
不但強痛而或眩冒亦未全入裏故時如結胃心下痞
鞭此邪在半表半裏之間也刺大椎第一間肺俞以瀉
太陽之邪刺肝俞以瀉少陽之邪邪在表則可發汗邪
在半表半裏則不可發汗發汗則亡津液損動胃氣少
陽之邪因干於胃上為木刑必發讞語脉弦至五六日
傳經盡邪熱去而讞語當止若復不止為少陽邪熱甚
也刺期門以婦人中風發熱惡寒經水適來得之七八
瀉肝膽之氣

日熱除而脉遲身涼胃脇下滿如結胸狀讞語者此為

熱入血室也當刺期門隨其實而瀉之

中風發熱惡寒表病也若經水

不來表邪傳裏則入府而不入血室也因經水適來血
室空虛至七八日邪氣傳裏之時更不入府乘虛而入
於血室熱除脉遲身涼者邪氣內陷而表證罷也胃脇
下滿如結胃狀讞語者熱入血室而裏實期門者肝之

募肝主血刺期門者瀉血室之熱
審看何經氣實更隨其實而瀉之
婦人中風七八日續

得寒熱發作有時經水適斷者此為熱入血室其血必

結故使如瘧狀發作有時小柴胡湯主之
中風七八日邪氣傳裏之

時本無寒熱而續得寒熱經水適斷者此為表邪乘血

室虛入於血室與血相搏而血結不行經水所以斷也
血氣與邪分爭致寒熱如瘧而發作
有時與小柴胡湯以解傳經之邪
婦人傷寒發熱經

水適來晝日明了暮則讖語如見鬼狀者此為熱入血

室無犯胃氣及上二焦必自愈
傷寒發熱者寒已成熱也經水適來則血室空

虛邪熱乘虛入於血室若晝日讖語為邪客於府與陽

爭也此晝日明了暮則讖語如見鬼狀是邪不入府入
於血室與陰爭也陽盛讖語則宜下此熱入血室不可
與下藥犯其胃氣熱入血室血結寒熱者與小柴胡湯

散邪發汗此雖熱入血室而不留結不可與發汗藥犯其
上焦熱入血室胃脇滿如結胃狀者可刺期門此雖
熱入血室而無滿結不可刺期門犯其中焦必自愈者
以經行則熱隨血去血下也已則邪熱悉除而愈矣所
為發汗為犯上焦者發汗則動衛氣衛氣出上焦故也
刺期門為犯中焦者刺期門則動榮氣榮氣出中焦故
也脉經曰無犯胃氣及上二焦必自愈豈謂藥不謂針耶
傷寒六七日發熱微惡寒

支節煩疼微嘔心下支結外證未去者柴胡桂枝湯主

之傷寒六七日邪當傳裏之時支散也嘔而心下結者裏證也法當攻裏發熱微惡寒支節煩疼為外證未去不可攻裏與柴胡桂枝湯以和解之傷寒五六日已發汗而復下之曾

脇滿微結小便不利渴而不嘔但頭汗出往來寒熱心

煩者此為未解也柴胡桂枝乾薑湯主之傷寒五六日已發汗下之

後則邪當解今胃脇滿微結小便不利渴而不嘔但頭汗出往來寒熱心煩者即邪氣猶在半表半裏之間為未解也胃脇滿微結寒熱心煩者邪在半表半裏之間也小便不利而渴者汗下後亡津液內燥也若熱消津液令小便不利而渴者其人必嘔今渴而不嘔知非裏熱也傷寒汗出則和今但頭汗出而餘處無汗者津液不足而陽虛於上也與柴胡桂枝乾薑湯以解表裏之邪復津液而助陽也

柴胡桂枝乾薑湯方

柴胡 半斤 味苦平
桂枝 三兩 去皮 味辛熱
乾薑 二兩 味辛熱

括蕁根 四兩 味苦寒
黃芩 三兩 味苦寒
牡蠣 二兩 味鹹寒

甘草 二兩 炙 味甘平

內經曰熱淫於內以苦發之柴胡黃芩之苦以解傳裏之邪辛甘發散為陽桂枝甘草之辛甘以散在表

之邪鹹以煎之牡蠣之鹹以消胃腸之滿辛以潤之
乾薑之辛以固陽虛之汗津液不足而爲渴苦以堅
之枯蘗之苦
以生津液

右柴味以水壹斗貳升煮取陸升去滓再煎取叁升
溫服壹升日叁服初服微煩復服汗出便愈

傷寒五六日頭汗出微惡寒手足冷心下滿口不欲食
大便鞭脈細者此爲陽微結必有表復有裏也脈沉亦
在裏也汗出爲陽微假令純陰結不得復有外證悉入
在裏此爲半在裏半在外也脈雖沈緊不得爲少陰病
所以然者陰不得有汗今頭汗出故知非少陰也可與

小柴胡湯設不了了者得屎而解

傷寒五六日邪當傳裏之時頭汗出微惡

寒者表仍未解也手足冷心下滿口不欲食大便鞭脈

細者邪結於裏也大便鞭為陽結此邪熱雖傳於裏然

以外帶表邪則熱結猶淺故曰陽微結脈沉雖為在裏

若純陰結則更無頭汗惡寒之表證諸陰脈皆至頸胷

中而還不上循頭今頭汗出知非少陰也與小柴胡湯

以除半表半裏之邪服湯已外證罷而不了了者為裏

熱未除與湯取其微利

則愈故云得屎而解

傷寒五六日嘔而發熱者柴胡湯證具而以他藥下之柴胡證仍在者復與柴胡湯此

雖已下之不為逆必蒸蒸而振却發熱汗出而解若心

下滿而鞭痛者此為結胷也大陷胷湯主之但滿而不

痛者此為痞柴胡不中與之宜半夏瀉心湯

傷寒五六日邪在半

表半裏之時嘔而發熱邪在半表半裏之證是為柴胡證具以他藥下之柴胡證不罷者不為逆却與柴胡湯則愈若下後邪氣傳裏者邪在半表半裏則陰陽俱有邪至於下後邪氣傳裏亦有陰陽之異若下後陽邪傳裏者則結於胃中為結胃以胃中為陽受氣之分與大陷胃湯以下其結陰邪傳裏者則留於心下為痞以心下為陰受氣之分與半夏瀉心湯以通其痞經曰病發於陽而反下之熱入因作結胃病發於陰而反下之因作痞此之謂也

半夏瀉心湯方

半夏

半升洗
味辛平

黃芩

味苦
寒

乾薑

味辛
熱

甘草

炙
味甘平

人參

各三兩
味甘溫

黃連

一兩味
苦寒

大棗

十二枚擘
味甘溫

辛入肺而散氣半夏之辛以散結氣苦入心而泄熱黃連黃芩之苦以泄痞熱脾欲緩急食甘以緩之人

參甘草大棗之甘以緩之

右柴味以水壹斗煮取陸升去滓再煮取叁升温服

壹升日叁服

太陽少陽併病而反下之成結胃心下鞭下利不止水

漿不下其人心煩

太陽少陽併病為邪氣在半表半裏也而反下之二經之邪乘虛而入太

陽表邪入裏結於胃中為結胃心下鞭少陽裏邪乘虛下干腸胃遂利不止若邪結陰分則飲食如故而為藏

結此為陽邪內結故水漿不下而心煩

脉浮而緊而復下之緊反入裏則

作痞按之自濡但氣痞耳

浮而緊浮為傷陽緊為傷陰當發其汗而反下之若浮入

裏為陽邪入裏則作結胃浮不入裏而緊入裏者為陰邪入裏則作痞

太陽中風下利嘔

逆表解者乃可攻之其人藜藜汗出發作有時頭痛心

下痞鞭滿引脇下痛乾嘔短氣汗出不惡寒者此表解

裏未和也十棗湯主之下利嘔逆裏受邪也邪在裏者

其人藜藜汗出發作有時不惡寒者表已解也頭痛心

下痞鞭滿引脅下痛乾嘔短氣者邪熱內畜而有伏飲

十棗湯方

芫花

熬味辛温

甘遂

味苦寒

大戟

味苦寒

大棗

十枚擘味甘温

辛以散之芫花之辛以散飲苦以泄之甘遂大戟之苦以泄水水者腎所主也甘者脾之味也大棗之甘

者益土而勝水

右三參味等分各別搗為散以水壹升半先煮大棗
 肥者拾枚取捌合去滓內藥末強人服壹錢七羸人
 服半錢溫服之平旦服若下少病不除者明日更服
 加半錢得快下利後糜粥自養

太陽病醫發汗遂發熱惡寒因復下之心下痞表裏俱
 虛陰陽氣並竭無陽則陰獨復加燒針因胃煩面色青

黃膚潤者難治今色微黃手足溫者易愈

太陽病因發汗遂發熱惡

寒者外虛陽氣邪復不除也因復下之又虛其裏表中
 虛邪內陷傳於心下為痞發汗表虛為竭陽下之裏虛
 為竭陰表證罷為無陽裏有痞為陰獨又加燒針虛不
 勝火火氣內攻致胃煩也傷寒之病以陽為主其人面

色青膚肉暍動者陽氣大虛故云難治若面色微黃手足溫者即陽氣得復故云易愈

之濡其脉關上浮者大黃黃連瀉心湯主之

沉者實熱也心下痞按之濡其脉關上浮者虛熱也大黃黃連湯以導其虛熱

大黃黃連瀉心湯方

大黃 二兩味苦寒 黃連 一兩味苦寒

內經曰火熱受邪心病生焉苦入心寒除熱大黃黃連之苦寒以導瀉心下之虛熱但以麻沸湯漬服者取其氣薄而泄虛熱

右貳味以麻沸湯貳升漬之須臾絞去滓分溫再服

心下痞而復惡寒汗出者附子瀉心湯主之

心下痞者虛熱內伏

也惡寒汗出者陽氣外虛也與
瀉心湯攻痞加附子以固陽
本以下之故心下痞與

瀉心湯痞不解其人渴而口燥煩小便不利者五苓散

主之
本因下後成痞當與瀉心湯除之若服之痞不解其人渴而口燥煩小便不利者為水飲內畜津液

不行非熱痞也與五苓散發汗散水則愈一方忍之一日乃愈者不飲者外水不入所停之水得行而痞亦愈

矣傷寒汗出解之後胃中不和心下痞鞭乾噫食臭脇

下有水氣腹中雷鳴下利者生薑瀉心湯主之
胃為津液之主

陽氣之根大汗出後外亡津液胃中空虛客氣上逆心下痞鞭金匱要略曰中焦氣未和不能消穀故令噫乾

噫食臭者胃虛而不殺穀也脅下有水氣腹中雷鳴傷土弱不能勝水也與瀉心湯以攻痞加生薑以益胃

寒中風醫反下之其人下利日數十行穀不化腹中雷

鳴心下痞鞭而滿乾嘔心煩不得安醫見心下痞謂病

不盡復下之其痞益甚此非結熱但以胃中虛客氣上

逆故使鞭也甘草瀉心湯主之傷寒中風是傷寒或中風也邪氣在表醫反下

之虛其腸胃而氣內陷也下利日數十行穀不化腹中雷鳴者下後裏虛胃弱也心下痞鞭乾嘔心煩不得安

者胃中空虛客氣上逆也與瀉心湯以攻表加甘草以補虛前以汗後胃虛是外傷陽氣故加生薑此以下後

胃虛是內損陰傷寒服湯藥下利不止心下痞鞭服瀉

心湯已復以他藥下之利不止醫以理中與之利益甚

理中者理中焦此利在下焦赤石脂禹餘糧湯主之復

利不止者當利其小便傷寒服湯藥下後利不止而心下痞鞭者氣虛而客氣上逆也

與瀉心湯攻之則痞已醫復以他藥下之又虛其裏致
利不止也理中丸脾胃虛寒下利者服之愈此以下焦
虛故與之其利益甚聖濟經曰滑則氣脫欲其收也如
開腸洞泄便溺遺失澁劑所以收之此利由下焦不約
與赤石脂禹餘糧湯以澁洞泄下焦主分清濁下利者
水穀不分也若服澁劑而利不止當利小便以分其氣

赤石脂禹餘糧湯方

赤石脂

一斤碎味甘温

禹餘糧

一斤碎味甘平

本草云澁可去脫石脂之澁以收斂之重可去怯餘糧之重以鎮固

已上貳味以水陸升煮取貳升去滓叁服

傷寒吐下後發汗虛煩脉甚微八九日心下痞鞭脇下

痛氣上衝咽喉眩冒經脉動惕者久而成痿

傷寒吐下後發汗則

表裏之氣俱虛虛煩脉甚微為正氣內虛邪氣獨在至
 七八日正氣當復邪氣當罷而心下痞脇下痛氣上衝
 咽喉眩冒者正氣內虛而不復邪氣留結而不去經
 脉動惕者經絡之氣虛極久則熱氣還經必成痿弱傷
 寒發汗若吐若下解後心下痞鞭噫氣不除者旋復代
 赭石湯主之大邪雖解以曾發汗吐下胃氣弱而未和
 虛氣上逆故心下痞鞭噫氣不除與旋復

代赭石湯降
 虛氣而和胃

旋復代赭石湯方

旋復花三兩味
 鹹温 人參二兩味
 甘温 生薑五兩切
 味辛温

代赭石一兩味
 苦寒 大棗十二枚
 擘甘温 甘草三兩炙
 味甘平

半夏半升洗
 味辛温

鞭則氣堅鹹味可以熨之旋復之鹹以熨痞鞭法則氣浮重劑可以鎮之代赭之重以鎮虛逆辛者散也生薑半夏之辛以散虛痞甘者緩也人參甘草大棗之甘以補胃弱

右柒味以水壹斗煮取陸升去滓再煎取叁升温服

壹升日叁服

下後不可更行桂枝湯若汗出而喘無大熱者可與麻

黃杏子甘草石膏湯

前第三卷廿六證云發汗後不可更行桂枝湯汗出而喘無大熱者

為與此證治法同汗下雖殊既不當損正氣則一邪氣所傳既同遂用一法治之經所謂若發汗若下若吐後者是矣 太陽病外證未除而數下之遂協熱而利利下不

止心下痞鞭表裏不解者桂枝人參湯主之

外證未除而數下之

爲重虛其裏邪熱乘虛而入裏虛協熱遂利不止而心下痞若表解而下利心下痞者可與瀉心湯若不下利表不解而心下痞者可先解表而後攻痞以表裏不解故與桂枝人參湯和裏解表

桂枝人參湯方

桂枝四兩去皮 甘草四兩炙 白朮三兩味甘平

人參三兩味甘温 乾薑三兩味辛熱

表未解者辛以散之裏不足者甘以緩之此以裏氣大虛表裏不解故加桂枝甘草於理中湯也

右伍味以水玖升先煮四味取五升內桂更煮取叁

升温服壹升日再夜壹服

傷寒大下後復發汗心下痞惡寒者表未解也不可攻

痞當先解表表解乃可攻痞解表宜桂枝湯攻痞宜大

黃黃連瀉心湯大下後復發汗則表裏之邪當悉已此心下痞而惡寒者表裏之邪俱不解也

因表不解而下之為心下痞先與桂枝湯解表表解乃與大黃黃連瀉心湯攻痞內經曰從外之內而盛於內

者先治其外傷寒發熱汗出不解心下痞鞭嘔吐而下而後調其內

利者大柴胡湯主之傷寒發熱寒已成熱也汗出不解表和而裏病也吐利心腹濡溼為

裏虛嘔吐而下利心下痞鞭者是裏實也與大柴胡湯以下裏熱病如桂枝證頭不痛

項不强寸脉微浮胷中痞鞭氣上衝咽喉不得息者此

為胷有寒也當吐之宜瓜蒂散病如桂枝證為發熱汗出惡風言邪在表也頭

痛項強為桂枝湯證具若頭不痛項不强則邪不在表而傳裏也浮為在表沈為在裏今寸脉微浮則邪不在

表亦不在裏而在胃中也胃中與表相應故知邪在胃
中者猶如桂枝證而寸脉微浮也以胃中痞鞭氣上衝
咽喉不得息知寒邪客於胃中而不在表也千金曰氣
浮上部填塞胃心胃中滿者吐之則愈與瓜蒂散以吐
胃中之邪

瓜蒂散方

瓜蒂

一分熬黃
味苦寒

赤小豆

一分味
酸温

其高者越之越以瓜蒂香豉之苦在上者湧
之湧以赤小豆之酸內經曰酸苦湧泄為陰

右貳味各別搗篩為散已合治之取壹錢匕以香豉
壹合用熱湯柒合煮作稀糜去滓取汁和散温頓服
之不吐者少少加得快吐乃止諸亡血虛家不可與

瓜蒂散

病脇下素有痞連在臍傍痛引少腹入陰筋者此名藏

結死素有宿昔之積結於脇下為痞今因傷寒邪氣入裏與宿積相合使藏真之氣結而不通致連在臍

傍痛引少腹傷寒病若吐若下後七八日不解熱結在入陰筋而死

裏表裏俱熱時時惡風大渴舌上乾燥而煩欲飲水數

升者白虎加人參湯主之若吐若下後七八日則當解復不解而熱結在裏表熱者

身熱也裏熱者內熱也本因吐下後邪氣乘虛內陷為結熱若無表熱而純為裏熱則邪熱結而為實此以表

熱未罷時時惡風若邪氣純在表則惡風無時若邪氣純在裏則更不惡風以時時惡風知表裏俱有熱也邪

熱結而為實者則無大渴邪熱散漫則渴今雖熱結在裏表裏俱熱未為結實邪氣散漫熏蒸焦膈故大渴舌

裏表裏俱熱未為結實邪氣散漫熏蒸焦膈故大渴舌

上乾燥而煩欲飲水數升與傷寒無大熱口燥渴心煩
白虎加人參湯散熱生津

背微惡寒者白虎加人參湯主之無大熱者為身無大熱也口燥渴心煩者

當作陽明病然以背微惡寒為表未全罷所以屬太陽也背為陽背惡寒口中和者少陰病也當與附子湯今

口燥而渴背雖惡寒此裏熱也則惡寒亦不至甚故

云微惡寒與白虎湯和表散熱加人參止渴生津傷

寒脉浮發熱無汗其表不解者不可與白虎湯渴欲飲

水無表證者白虎加人參湯主之傷寒脉浮發熱無汗其表不解不渴者宜

麻黃湯渴者宜五苓散非白虎所宜大渴欲水無表證者乃可與白虎加人參湯以散裏熱臨病之工大宜精

別太陽少陽併病心下鞕頸項強而眩者當刺大椎肺

俞肝俞慎勿下之心下痞鞕而眩者少陽也頸項強者太陽也刺大椎肺俞以瀉太陽之邪

以太陽脉下項俠脊故爾肝俞以瀉少陽之邪以瞻為
 肝之府故爾太陽為在表少陽為在裏即是半表半裏
 證前第八證云不可發汗發汗則譫語是發汗攻太陽
 之邪少陽之邪益甚干胃必發譫語此云慎勿下之攻
 少陽之邪太陽之邪乘虛入裏必作結胸
 經曰太陽少陽併病而反下之成結胸
 太陽與少陽

合病自下利者與黃芩湯若嘔者黃芩加半夏生薑湯

主之太陽陽明合病自下利為在表當與葛根湯發汗

陽明少陽合病自下利為在裏可與承氣湯下之

此太陽少陽合病自下利為在半表半裏非汗下所宜

故與黃芩湯以合解半表半裏之邪嘔者胃氣逆也故

加半夏生薑以散逆氣

黃芩湯方

黃芩

三兩味
苦寒

甘草

二兩炙
味甘平

芍藥

二兩味
酸平

大棗十二枚擘

虛而不實者苦以堅之酸以收之黃芩芍藥之苦酸以堅歛腸胃之氣弱而不足者甘以補之甘草大棗之甘以補固腸胃之弱

右肆味以水壹斗煮取叁升去滓温服壹升日再夜

壹服若嘔者加半夏半升生薑叁兩

傷寒胃中有熱胃中有邪氣腹中痛欲嘔吐者黃連湯

主之濕家下後舌上如胎者以丹田有熱胃上有寒是邪氣入裏而為下熱上寒也此傷寒邪氣傳裏而

為下寒上熱也胃中有邪氣使陰陽不交陰不得升而獨治於下為下寒腹中痛陽不得降而獨治於上為胃

中熱欲嘔吐與黃連湯升降陰陽之氣

黃連湯方

黃連

味苦寒

甘草

炙味甘平

乾薑

味辛熱

桂枝

去皮味辛熱各三兩

人參

二兩味甘溫

半夏

半升洗味甘溫

大棗

十二枚擘味甘溫

上熱者泄之以苦黃連之苦以降陽下寒者散之以辛桂薑半夏之辛以升陰脾欲緩急食甘以緩之人參甘草大棗之甘以益胃

右柒味以水壹斗煮取陸升去滓溫服壹升日叁服

夜貳服

傷寒八九日風濕相搏身體疼煩不能自轉側不嘔不

渴脉浮虛而濇者桂枝附子湯主之傷寒與中風家至七八日再經之時

則邪氣多在裏身必不苦疼痛今日數多復身體疼煩

不能自轉側者風濕相搏也煩者風也身疼不能自轉

側者濕也經曰風則浮虛脉經曰脉來濇者為病寒濕

也不嘔不渴裏無邪也脉得浮虛而濇身有疼煩知風

濕但在經也與桂枝附子湯以散表中風濕若其人大便鞭小便自利者去

桂枝加白朮湯主之桂發汗走津液此小便利大便鞭為津液不足去桂加朮

桂枝附子湯方

桂枝四兩去皮附子三枚炮去皮破

生薑三兩切甘草二兩炙大棗十二枚擘

風在表者散以桂枝甘草之辛甘濕在經者逐以附子之辛熱薑棗辛甘行榮衛通津液以和表也

右伍味以水陸升煮取貳升去滓分温叁服

風濕相搏骨節煩疼掣痛不得屈伸近之則痛劇汗出

短氣小便不利惡風不欲去衣或身微腫者甘草附子

湯主之

風則傷衛濕流關節風濕相搏兩邪亂經故骨節疼煩掣痛不得屈伸近之則痛劇也風勝則

衛氣不固汗出短氣惡風不欲去衣為風在表濕勝則水氣不行小便不利或身微腫為濕外搏也與甘草附

子湯散濕固衛氣

甘草附子湯方

甘草

二兩炙味甘平

附子

二枚炮去皮破味辛熱

白朮

二兩味甘温

桂枝

四兩去皮味辛熱

桂枝甘草之辛甘散風邪而和衛
附子白朮之辛甘解濕氣而溫經

右肆味以水陸升煮取參升去滓溫服壹升日叁服
初服得微汗則解能食汗止復煩者服伍合恐壹升
多者宜服六七合為始

傷寒脉浮滑此表有熱裏有寒白虎湯主之

浮為在表滑為在裏

表有熱外有熱也裏有寒有邪氣傳裏也以邪未入府故止言寒如瓜蒂散證云胃上有寒者是矣與白虎湯以解內外之邪

白虎湯方

知母

六兩味苦寒

石膏

一斤碎味甘寒

甘草

二兩味甘平

粳米

六合味甘平

內經曰熱淫所勝佐以苦甘知母石膏之苦甘以散熱熱則傷氣甘以緩之甘草粳米之甘以益氣

右肆味以水壹斗煮米熟湯成去滓温服壹升日叁

服

傷寒脉結代心動悸炙甘草湯主之

結代之脉動而中止能自還者名曰

悸動知真氣內虛也與炙甘草湯益虛補血氣而復脉

炙甘草湯方

甘草

四兩炙味甘平

生薑

三兩切味辛温

桂枝

三兩去皮味辛熱

人參

二兩味甘温

生地黃

一斤味甘寒

阿膠

二兩味甘温

麥門冬

半升去心味甘平

麻子仁

半升味甘平

大棗

三十枚擘味甘温

補可以去弱人參甘草大棗之甘以補不足之氣桂枝生薑之辛以益正氣聖濟經曰津耗散為枯五藏痿弱榮衛涸流濕劑所以潤之麻仁阿膠麥門冬地黃之甘潤經益血復脉通心也

右玦味以清酒柒升水捌升先煮捌味取叁升去滓

內膠烱消盡温服壹升日叁服壹名復脉湯

脉按之來緩而時一止復來者名曰結又脉來動而中

止更來小數中有還者反動名曰結陰也脉來動而中

止不能自還因而復動名曰代陰也得此脉者必難治

結代之脉一為邪氣留結一為真氣虛衰脉來動而中止若能自還更來小數止是邪氣留結名曰結陰若動

而中止不能自還因其呼吸陰陽相引復動者是真氣衰極名曰代陰為難治之脈經曰脈結者生代者死此也之謂

釋音

挽

音免俯也

目

如倫切動也

匱

求位切匣也

痿

於危切痺病也

爽

音軟柔也

椎

音鎚

掣

昌列切挽也

涸

乎各切竭也

炆

音羊爍也

傷寒論卷四終

注解傷寒論卷五

江陰朱氏校刊本

漢張仲景述

王叔和撰次

成無已注解

辨陽明病脉證并治法第八

問曰病有太陽陽明有正陽陽明有少陽陽明何謂也

答曰太陽陽明者脾約是也

陽明胃也邪自太陽經傳之入府者謂之太陽陽明

經曰太陽病若吐若下若發汗後微煩小便數大便因鞭者與小承氣湯卽是太陽陽明脾約病也正陽

陽明者胃家實是也

邪自陽明經傳入府者謂之正陽

惡寒其身必重短氣腹滿而喘有潮熱者外欲解可攻裏也手足濇濇然汗出者此大便已鞭也大承氣湯主

之卽是正陽陽明胃家實也

少陽陽明者發汗利小便已胃中燥煩

實大便難是也

邪自少陽經傳之入府者謂之少陽陽明經曰傷寒脈弦細頭痛發熱者屬少

陽少陽不可發汗發汗則譫語此屬胃即是少陽陽明病也

陽明之為病胃家實也

邪傳入胃熱毒留結則胃家為實華佗曰熱毒入胃要須下去之不可留於胃中是知邪在陽明為胃家實也

問曰何緣得陽明病答曰太陽病發汗若下若利小便

此亡津液胃中乾燥因轉屬陽明不更衣內實大便難

者此名陽明也

本太陽病不解因汗利小便亡津液胃中乾燥太陽之邪入府轉屬陽明古人

登廁必更衣不更衣者通為不大便不更衣則胃中物不得泄故為內實胃無津液加之畜熱大便則難為陽

明裏實也

問曰陽明病外證云何答曰身熱汗自出不惡寒

反惡熱也

陽明病為邪入府也邪在表則身熱汗出而惡寒邪既入府則表證已罷故不惡寒但身

熱汗出而惡熱也

問曰病有得之一日不發熱而惡寒者何也

答曰雖得之一日惡寒將自罷即自汗出而惡熱也

邪客

在陽明當發熱而不惡寒今得之一日猶不發熱而惡寒者即邪未全入府尚帶表邪若表邪全入則更無惡寒必自汗出而惡熱也問曰惡寒何故自罷答曰陽明居中土也

萬物所歸無所復傳始雖惡寒二日自止此為陽明病

也胃為水穀之海主養四旁四旁有病皆能傳入於胃入胃則更不復傳如太陽病傳之入胃則更不傳陽

明陽明病傳之入胃則更不傳少陽少陽病傳之入胃則更不傳三陰本太陽初得病時

發其汗汗先出不徹因轉屬陽明也

傷寒傳經者則一日太陽二日陽明

此太陽傳經故傷寒發熱無汗嘔不能食而反汗出濇

澼然者是轉屬陽明也

傷寒發熱無汗嘔不能食者太陽受病也若反汗出澼然者

太陽之邪轉屬陽明出經曰陽明病法多汗

傷寒三日陽明脉大

傷寒三日邪傳陽明

之時經曰尺寸俱長者陽明受病當二三日發陽明氣血俱多又邪併於經是以脉大

傷寒脉浮而

緩手足自温者是為繫在太陰太陰者身當發黃若小

便自利者不能發黃至七八日大便鞭者為陽明病也

浮為陽邪緩為脾脉傷寒脉浮緩太陰客熱邪在三陽則手足熱邪在三陰則手足寒今手足自温是知繫在

太陰也太陰土也為邪蒸之則色見於外當發身黃小便自利者熱不內畜不能發黃至七八日大便鞭者即

太陰之邪入府轉屬陽明也

傷寒轉繫陽明者其人澼然微汗出也

傷寒則無汗陽明法多汗此以傷寒邪轉繫陽明故澼然微汗出

陽明中風口苦咽乾

腹滿微喘發熱惡寒脈浮而緊若下之則腹滿小便難

也脈浮在表緊為裏實陽明中風口苦咽乾腹滿微喘者熱傳於裏也發熱惡寒者表仍未解也若下之裏

邪雖去表邪復入於裏又亡津液故使腹滿而小便難陽明病若能食名中風不

能食名中寒陽明病以飲食別受風寒者以胃為水穀

寒為陰邪陰邪不殺穀故傷寒者不能食陽明病若中寒不能食小便不利

手足濇然汗出此欲作固瘕必大便初鞭後溏所以然

者以胃中冷水穀不別故也陽明中寒不能食者寒不殺穀也小便不利者津液

不化也陽明病法多汗則周身汗出此手足濇然汗出而身無汗者陽明中寒也固瘕者寒氣結積也胃中寒

甚欲留結而為固瘕則津液不得通行而大便必鞭者若汗出小便不利者為實也此以小便不利水穀不別

雖大便初鞭後必溏也

陽明病欲食小便反不利大便自調其人

骨節疼翕翕如有熱狀奄然發狂澼然汗出而解者此

水不勝穀氣與汗共併脈緊則愈

陽病客熱初傳入胃胃熱則消穀而欲食

陽明病熱為實者則小便當數大便當鞭今小便反不利大便自調者熱氣散漫不為實也欲食則胃中穀多

內經曰食入於陰長氣於陽穀多則陽氣勝熱消津液

則水少經曰水入於經其血乃成水少則陰血弱金匱

要畧曰陰氣不通即骨疼其人骨節疼者陰氣不足也

熱甚於表者翕翕發熱甚於裏者蒸蒸發熱此熱氣

散漫不專著於表裏故翕翕如有熱狀奄忽也忽然發

狂者陰不勝陽也內經曰陰不勝其陽者則脈流薄疾

并乃狂陽明蘊熱為實者須下之愈熱氣散漫不為實

者必待汗出而愈故云澼然汗出而解也水穀之等者

陰陽氣平也水不勝穀氣是陰不勝陽也汗出則陽氣

衰脈緊則陰氣生陰陽氣平兩無偏勝則愈故云與汗

其并脈胃為陽明土王於緊則愈申酉戌向王時是陽明病欲解時從申至戌上

為欲解陽明病不能食攻其熱必噦所以然者胃中虛冷

故也以其人本虛故攻其熱必噦不能食胃中本寒攻其熱復虛其胃虛寒

相搏故令噦也經曰關脈弱胃氣虛有陽明病脈遲食

難用飽飽則微煩頭眩必小便難此欲作穀疸雖下之

腹滿如故所以然者脈遲故也陽明病脈遲則邪方入裏熱未為實也食入於

陰長氣於陽胃中有熱食難用飽飽則微煩而頭眩者穀氣與熱氣相搏也兩熱相合消搏津液必小便難利

者不能發黃言熱得泄也小便不利則熱不得泄身必發黃疸黃也以其發於穀氣之熱故名穀疸熱實者下

之則愈脈遲為熱氣未實雖下之腹陽明病法多汗反滿亦不減也經曰脈遲尚未可攻

無汗其身如蟲行皮中狀者以此久虛故也

胃為津液之本氣虛

津液少病則反無汗胃候身之肌肉其身如蟲行皮中者知胃氣久虛也

陽明病反無汗而

小便利二三日嘔而欬手足厥者必苦頭痛若不欬不

嘔手足不厥者頭不痛

陽明

陽明傷寒而寒氣內攻也

至二三日發欬手足厥者寒邪發於外也必苦頭痛若不欬不嘔手足不厥者是寒邪但攻裏而不外發其頭

亦不陽明病但頭眩不惡寒故能食而欬其人必咽痛

若不欬者咽不痛

陽明病身不重痛但頭眩而不惡寒者陽明中風而風氣內攻也經曰陽

明病若能食名中風風邪攻胃胃氣上逆則欬咽者胃之系欬甚則咽傷故必咽痛若胃氣不逆則不欬其咽

亦不陽明病無汗小便不利心中懊懣者身必發黃

陽明

病無汗而小便不利者熱蘊於內而不得越
心中懊懣者熱氣鬱蒸欲發於外而為黃也
陽明病被

火額上微汗出小便不利者必發黃

陽明病則為內熱被火則火熱相合

而甚若遍身汗出而小便利者熱得泄越不能發黃今
額上微汗出而小便不利則熱不得越鬱滯於胃必發

也黃陽明病脈浮而緊者必潮熱發作有時但浮者必盜

汗出

浮為在經緊者裏實脈浮而緊者表熱裏實也必潮熱發作有時若脈但浮而不緊者止是表熱也

必盜汗出盜汗者睡而汗出也陽

明病裏熱者自汗表熱者盜汗

水不欲嚥者此必衄

陽明之脈起於鼻絡於口陽明裏熱則渴欲飲水此口燥但欲漱水

不欲嚥者是熱在經而裏無熱也陽明氣

血俱多經中熱甚迫血妄行必作衄也

汗出醫更重發汗病已差尚微煩不了了者此大便必

鞭故也以亡津液胃中乾燥故令大便鞭當問其小便

日幾行若本小便日三四行今日再行故知大便不久

出今為小便數少以津液當還入胃中故知不久必大

便也先亡津液使大便鞭小便數少津液分別大便必自下也傷寒嘔多雖有陽明

證不可攻之嘔者熱在上焦未全入府故不可下陽明病心下鞭滿者不

可攻之攻之利遂不止者死利止者愈陽明病腹滿者為邪氣入府可

下之心下鞭滿則邪氣尚淺未全入府不可便下之得利止者為邪氣去正氣安正氣安則愈若因下利不止

者為正氣脫而死陽明病面合赤色不可攻之攻之必發熱色

黃小便不利也合通也陽明病面色通赤者熱在經也不可下之下之虛其胃氣耗其津液經

中之熱乘虛入胃必發陽明病不吐不下心煩者可與

熱色黃小便不利也

調胃承氣湯

吐後心煩謂之內煩下後心煩謂之虛煩今陽明病不吐不下心煩即是胃有鬱熱

也與調胃承氣湯以下鬱熱

陽明病脈遲雖汗出不惡寒者其身必

重短氣腹滿而喘有潮熱者此外欲解可攻裏也手足

濇然而汗出者此大便秘也大承氣湯主之若汗多

微發熱惡寒者外未解也其熱不潮未可與承氣湯若

腹大滿不通者可與小承氣湯微和胃氣勿令大泄下

陽明病脈遲若汗出多微發熱惡寒者表未解也若脈

遲雖汗出而不惡寒者表證罷也身重短氣腹滿而喘

有潮熱者熱入府也四肢諸陽之本津液足為熱蒸之

則周身汗出津液不足為熱蒸之其手足濇然而汗出

知大便已艱也與大承氣湯以下胃熱經曰潮熱者實也其熱不潮是熱未成實故不可便與大承氣湯雖有腹大滿不通之急亦不可與大承氣湯與小承氣湯微和胃氣

大承氣湯方

大黃

四兩苦寒酒洗

厚朴

半斤苦温炙去皮

枳實

五枚苦寒炙

芒硝

三合鹹寒

內經曰燥淫所勝以苦下之大黃枳實之苦以潤燥除熱又曰燥淫於內治以苦温厚朴之苦下結燥又曰熱淫所勝治以鹹寒芒硝之鹹以攻蘊熱

右肆味以水壹斗先煮貳物取伍升去滓內大黃煮取貳升去滓內芒硝更上火微一兩沸分温再服得

下餘勿服

小承氣湯方

大黃四兩

厚樸二兩

炙

枳實三枚

大者炙

大熱結實者與大承氣湯小熱微結者與小承氣湯以熱不大甚故於大承氣湯去芒硝又以結不至堅故不減厚樸枳實也

右三味以水四升煮取一升二合去滓分温二服初

服湯當更衣不爾者盡飲之若更衣者勿服之

陽明病潮熱大便微鞭者可與大承氣湯不鞭者不與

之若不大便六七日恐有燥屎欲知之法少與小承氣

湯湯入腹中轉失氣者此有燥屎乃可攻之若不轉失
 氣者此但初頭鞭後必溏不可攻之攻之必脹滿不能
 食也欲飲水者與水則噦其後發熱者必大便復鞭而
 少也以小承氣湯和之不轉失氣者慎不可攻也潮熱者實
 得大便微鞭者便可攻之若不鞭者則熱未成實雖有
 潮熱亦未可攻若不大大便六七日恐有燥屎當先與小
 承氣湯漬之如有燥屎小承氣湯藥勢緩不能宣泄必
 轉氣下失若不轉失氣是胃中無燥屎但腸間少鞭爾
 止初頭鞭後必溏攻之則虛其胃氣致腹脹滿不能食
 也胃中乾燥則欲飲水入胃中虛寒相搏氣逆則噦
 其後却發熱者則熱氣乘虛還復聚於胃中胃燥得熱
 必大便復鞭而少與小承氣湯微利與和之所以重云
 不轉失氣不可夫實則讖語虛則鄭聲鄭聲重語也內
 攻內慎之至也

曰邪氣盛則實精氣奪則虛讞語由邪氣盛而神識昏也鄭聲由精氣奪而聲不全也讞語者言語不次也鄭聲者鄭音不正也論語云惡鄭聲之亂樂又曰放鄭聲遠佞人鄭聲淫佞人殆言鄭聲不正也今新差氣虛人聲轉者是所謂重語者也若聲重亦聲轉之直視讞語喘滿者死下利者亦死直視讞語邪勝也喘滿為氣上脫下利為氣下脫是皆主死發汗多若重發汗者

亡其陽讞語脈短者死脈自和者不死亡陽胃燥讞語者脈短津液已

絕不可復治脈自和為正氣未衰而猶可生也傷寒若吐若下後不解不大便

五六日上至十餘日日晡所發潮熱不惡寒獨語如見

鬼狀若劇者發則不識人循衣摸牀惕而不安微喘直

視脈弦者生濇者死微者但發熱讞語者大承氣湯主

之若一服利止後服

若吐若下皆傷胃氣不大便五六日上至十餘日者亡津液胃氣虛

邪熱內結也陽明王於申酉戌日晡所發潮熱者陽

明熱甚也不惡寒者表證罷也獨語如見鬼狀者陽明

內實也以爲熱氣有餘若劇者是熱氣甚大也熱大甚

於內昏冒正氣使不識人至於循衣摸牀惕而不安微

喘直視傷寒陽勝而陰絕者死陰勝而陽絕者死熱劇

者爲陽勝脈弦爲陰有餘澁爲陰不足陽熱雖劇脈弦

知陰未絕而猶可生脈澁則陰絕故不可治其邪熱微

而未至於劇者但發熱讞語可與大承氣湯以下胃中

熱經曰凡服下藥中病卽止不必盡劑

此以熱未劇故云若一服利則止後服

陽明病其人多

汗以津液外出胃中燥大便必鞕鞕則讞語小承氣湯

主之若一服讞語止更莫復服

亡津液胃燥大便鞕而讞語雖無大熱內結亦

須與小承氣湯和其胃氣得一服讞語止則胃

燥以潤更莫復與承氣湯以本無實熱故也

陽明病

讖語發潮熱脉滑而疾者小承氣湯主之因與承氣湯

一升腹中轉失氣者更服一升若不轉失氣勿更與之

明日不大便脉反微澁者裏虛也為難治不可更與承

氣湯也

陽明病讖語發潮熱若脉沉實者內實者也則可下若脉滑疾為裏熱未實則未可下先與小

承氣湯和之湯入腹中轉失氣者中有燥屎可更與小承氣湯一升以除之若不轉失氣者是無燥屎不可更

與承氣湯至明日邪氣傳時脉得沉實緊牢之類是裏實也反得微澁者裏氣大虛也若大便利後脉微澁者

止為裏虛而猶可此不會大便脉反微澁是正氣內衰為邪所勝故云難治陽明病讖語有

潮熱反不能食者胃中必有燥屎五六枚也若能食者

但鞭爾宜大承氣湯下之

讖語潮熱為胃熱當消穀引食反不能食者胃中有燥屎

而胃中實也若能食者胃中虛熱雖鞭不得為有燥屎
雜病虛為不欲食實為欲食傷寒則胃實熱甚者不能
食胃中虛熱甚者能食與雜病為異
也與大承氣湯以下燥屎逐結熱
陽明病下血讞語

者此為熱入血室但頭汗出者刺期門隨其實而瀉之

澱然汗出則愈陽明病熱入血室迫血下行使下血讞語陽明病法多汗以奪血者無汗故但

頭汗出也刺期門以散血室之熱隨其實而瀉之以除陽明之邪熱散邪除熱榮衛得通津液得復澱然汗出

而解汗出讞語者以有燥屎在胃中此為風也須下之過

經乃可下之下之若早語言必亂以表虛裏實故也下

之則愈宜大承氣湯胃中有燥屎則讞語以汗出為表未罷故云風也燥屎在胃則當下

以表未和則未可下須過太陽經無表證乃可下之若下之早燥屎雖除則表邪乘虛復陷於裏為表虛裏實

胃虛熱甚語言必亂與大承氣湯却下胃中邪熱則止傷寒四五日脉沉而喘滿

沉為在裏而反發其汗津液越出大便為難表虛裏實

久則讖語邪氣入內之時得脉沉而喘滿裏證具也則

便必難久則尿燥三陽合病腹滿身重難以轉側口不

仁而面垢讖語遺尿發汗則讖語下之則額上生汗手

足逆冷若自汗出者白虎湯主之腹滿身重難以反側

也針經曰少陽病甚則面微塵此面垢者少陽也遺尿

者太陽也三者以陽明證多故出陽明篇中三陽合病

為表裏有邪若發汗攻表則燥熱益甚必愈讖語若下

之攻裏表熱乘虛內陷必額上汗出手足逆冷其自汗

出者三陽經熱甚也內經曰熱則腠理開二陽併病太

榮衛通汗大泄與白虎湯以解內外之熱

陽證罷但發潮熱手足絳絳汗出大便難而讞語者下

之則愈宜大承氣湯

本太陽病併於陽明名曰併病太陽證罷是無表證但發潮熱是熱

併陽明一身汗出為熱越今手足絳絳汗出是熱聚於

胃也必大便難而讞語經曰手足絳然而汗出者必大

便已鞭也與大承氣湯以下胃中實熱陽明病脉浮而緊咽燥口苦腹滿

而喘發熱汗出不惡寒反惡熱身重若發汗則躁心憤

憤反讞語若加燒鍼必怵惕煩躁不得眠若下之則胃

中空虛客氣動膈心中懊憹舌上胎者梔子豉湯主之

脉浮發熱為邪在表咽燥口苦為熱在經脉緊腹滿而

喘汗出不惡寒反惡熱身重為邪在裏此表裏俱有邪

猶當和解之若發汗攻表表熱雖除而內熱益甚故躁

而憤憤反讞語憤憤者心亂經曰榮氣微者加燒針則

血不行更發熱而躁煩此表裏有熱若加燒針則損動
陰氣故怵惕煩躁不得眠也若下之裏熱雖去則胃中
空虛表中客邪之氣乘虛陷於上焦煩動於膈使心中
懊懣而不了了也舌上胎黃者熱氣客於胃中舌上胎
白知熱氣客於胸中與梔
子豉湯以吐胸中之邪
若渴欲飲水口乾舌燥者白
虎加人參湯主之
若下後邪熱客於上焦者為虛煩此
者是為乾燥煩渴與白
若脈浮發熱渴欲飲水小便不
利者猪苓湯主之
此下後客熱客於下焦者也邪氣自
表入裏客於下焦三焦俱帶熱也脈
浮發熱者上焦熱也渴欲飲水者中焦熱也小便不利
者邪客下焦津液不得下通也與猪苓湯利小便以瀉
下焦之熱也

猪苓湯方

猪苓 去皮 甘平

茯苓 計 平

阿膠 甘 平

滑石 碎 寒

澤瀉 甘鹹寒 各一兩

甘甚而反淡淡味滲泄為陽猪苓茯苓之甘以行小便鹹味湧泄為陰澤瀉之鹹以泄伏水滑利竅阿膠滑石之滑以利水道

右五味以水四升先煮四味取二升去滓內下阿膠

焯消温服七合日三服

陽明病汗出多而渴者不可與猪苓湯以汗多胃中燥

猪苓湯復利其小便故也

針經曰水穀入於口輸於腸胃其液別為二天寒衣薄則

為溺天熱衣厚則為汗是汗溺一液也汗多為津液外瀉胃中乾燥故不可與猪苓湯利小便也 脉浮

而遲表熱裏寒下利清穀者四逆湯主之

浮為表熱遲為裏寒下利

清穀者裏寒甚也與四逆湯溫裏散寒

若胃中虛冷不能食者飲水則噦

噦者咳逆是也千金曰咳逆者噦逆之名

胃中虛冷得水則水寒相搏胃氣逆而噦

乾鼻燥能食者則衄

脈浮發熱口乾鼻燥者熱在經也

衄胃中虛冷陰勝也

水入於經其血乃成飲水者助陰

氣逆為噦發熱口乾

陽勝也食入於陰長氣於陽能食

者助陽血妄為衄三者偏陰偏陽之疾也 陽明病下之其外有熱手足溫不

結胸心中懊懣饑不能食但頭汗出者梔子豉湯主之

表未罷而下者應邪熱內陷也熱內陷者則外熱而無手足寒今外有熱而手足溫者熱雖內陷然而不深故不作結胸也心中懊懣飢不能食者熱客胃中為虛煩也熱自胸中熏蒸於上故但頭汗出而身無汗與梔子

豉湯以吐胸中之虛煩陽明病發潮熱大便溏小便自可胃脇滿

不去者小柴胡湯主之陽明病潮熱為胃實大便鞭而

胃熱未實而水穀不別也大便秘澀者應氣降而胃脇滿

去今反不去者邪氣猶在半表半裏之間與小柴胡湯

以去表裏之邪陽明病脇下鞭滿不大便而嘔舌上白胎者可

與小柴胡湯上焦得通津液得下胃氣因和身濺然而

汗出解也陽明病腹滿不大便古上胎黃者為邪熱入

胎者為邪未入府在表裏之間與小柴胡湯以和解之

上焦得通則嘔止津液得下則胃氣因和汗出而解

陽明中風脈弦浮大而短氣腹都滿脇下及心痛久按

之氣不通鼻乾不得汗嗜卧一身及面目悉黃小便難

有潮熱時時噦耳前後腫刺之小差外不解病過十日

脉續浮者與小柴胡湯脉但浮無餘證者與麻黃湯若

不尿腹滿加噦者不治

浮大為陽風在表也弦則為陰風在裏也短氣腹滿脇下及心

痛風熱壅於腹中而不通也若寒客於內而痛者按之

則寒氣散而痛止此以風熱內壅故雖久按而氣亦不

通陽明病鼻乾不得卧自汗出者邪在表也此鼻乾不

得汗而嗜卧者風熱內攻不干表也一身面目悉黃小

便難有潮熱時時噦者風熱攻於胃也陽明之脉出大

迎循頰車上耳前過客主人熱勝則腫此風熱在經故

耳前後腫刺之經氣通腫則小差如此者外證罷則可

攻若外證不解雖過十日脉續浮者邪氣猶在半表半

裏與小柴胡湯以和解之若其脉但浮而不弦大無諸

裏證者是邪但在表也可與麻黃湯以發其汗若不尿

腹滿加噦者關格之疾也故云不治陽明病自汗出若

難經曰關格者不得盡其命而死

發汗小便自利者此為津液內竭雖鞭不可攻之當須
自欲大便宜蜜煎導而通之若土瓜根及大豬膽汁皆
可為導津液內竭腸胃乾燥大便因鞭此非結熱故不可攻宜以藥外治而導引之

蜜煎導方

蜜七合一味內銅器中微火煎之稍疑似飴狀攪之
勿令焦著欲可丸併手捻作挺令頭銳大如指長二
寸許當熱時急作冷則鞭以內穀道中以手急抱欲
大便時乃去之

豬膽汁方

大猪膽一枚瀉汁和醋少許以灌穀道中如一食頃當大便出

陽明病脉遲汗出多微惡寒者表未解也可發汗宜桂

枝湯

陽明病脉遲汗出多當責邪在裏以微惡寒知表未解與桂枝湯和表

陽明病脉浮

無汗而喘者發汗則愈宜麻黃湯

陽明傷寒表實脉浮無汗而喘也與麻黃

湯以發汗陽明病發熱汗出此為熱越不能發黃也但頭汗

出身無汗劑頸而還小便不利渴引水漿者此為瘧熱

在裏身必發黃茵陳蒿湯主之

但頭汗出身無汗劑頸而還者熱不得越也小便

便不利渴引水漿者熱甚於胃津液內竭也胃為土而色黃胃為熱蒸則色奪於外必發黃也與茵陳湯逐熱

退黃

茵陳蒿湯方

茵陳蒿

六兩苦微寒

梔子

十四枚擘苦寒

大黃

二兩去皮苦寒

小熱之氣涼以和之大熱之氣寒以取之茵陳梔子之苦寒以逐胃燥宜下必以苦宜補必以酸大黃之苦寒以下瘀熱

右三味以水一斗二升先煮茵陳減六升內二味煮取三升去滓分溫三服小便當利尿如皂角汁狀色正赤一宿腹減黃從小便去也

陽明證其人喜忘者必有畜血所以然者本有久瘀血

故令喜忘屎雖鞭大便反易其色必黑宜抵當湯下之

內經曰血并於下亂而喜忘此下本有久瘀血所以喜忘也津液少大便鞭以畜血在內屎雖鞭大便反易其

色黑也與抵當湯以下瘀血陽明病下之心中懊懣而煩胃中有燥

屎者可攻腹微滿初頭鞭後必溏不可攻之若有燥屎

者宜大承氣湯下後心中懊懣而煩者虛煩也當與梔子豉湯若胃中有燥屎者非虛煩也可

與大承氣湯下之其腹微滿初鞭後溏是無燥屎此熱不在胃而在上也故不可攻病人不大便

五六日繞臍痛煩躁發作有時者此有燥屎故使不大

便也不大便六七日者則大便必結為燥屎也胃中燥其氣不得下通故繞臍痛煩躁發作有時也病

人煩熱汗出則解又如瘧狀日晡所發熱者屬陽明也

脉實者宜下之脉浮虛者宜發汗下之與大承氣湯發

汗宜桂枝湯

雖得陽明證未可便為裏實審看脉候以別內外其脉實者熱已入府為實可與大

承氣湯下之其脉浮虛者是熱未入府猶在表也可與桂枝湯發汗則愈

大下後六七日不

大便煩不解腹滿痛者此有燥屎也所以然者本有宿

食故也宜大承氣湯

大下之後則胃弱不能消穀至六七日不大便則宿食已結不消故

使煩熱不解而腹滿痛是知有燥屎也與大承氣湯以下除之

病人小便不利大便乍

難乍易時有微熱喘冒不能卧者有燥屎也宜大承氣

湯

小便利則大便鞭此以有燥屎故小便利而大便乍難乍易胃熱者發熱喘冒無時及嗜卧也此燥屎

在胃故時有微熱喘冒不得卧也與大承氣湯以下燥屎

食穀欲嘔者屬陽明也吳

茱萸湯主之得湯反劇者屬上焦也

上焦主內胃為之受食穀欲嘔者胃

不受也與吳茱萸湯以溫胃氣得湯反劇者上焦不內也以治上焦法治之

吳茱萸湯方

吳茱萸

一升洗 辛熱

人參

三兩 甘溫

生薑

六兩切 辛溫

大棗

十二枚 擘 甘溫

內經曰寒淫於內治以甘熱佐以苦辛吳茱萸生薑之辛以溫胃人參大棗之甘以緩脾

右肆味以水柒升煮取貳升去滓溫服柒合日叁服

太陽病寸緩關浮尺弱其人發熱汗出復惡寒不嘔但

心下痞者此以醫下之也如其不下者病人不惡寒而

渴者此轉屬陽明也小便數者大便必鞭不更衣十日無所苦也渴欲飲水少少與之但以法救之渴者宜五

苓散

太陽病脉陽浮陰弱為邪在表今寸緩關浮尺弱邪氣漸傳裏則發熱汗出復惡寒者表未解也傳

經之邪入裏裏不和者必嘔此不嘔但心下痞者鑿下之早邪氣留於心下也如其不下者必漸不惡寒而渴太陽之邪轉屬陽明也若吐若下若發汗後小便數大便鞭者當與小承氣湯和之此不因吐下發汗後小便數大便鞭者是無滿實雖不更衣十日無所苦也候津液還入胃中小便數少大便必自出也渴欲飲水者少少與之以潤胃氣但審邪氣所在以法救之如渴不止與五苓散是也

者為自和也汗出多者為太過

脉陽微者邪氣少汗出少者為適當故自和汗

出多者反損正氣是汗出太過也

陽脉實因發其汗出多者亦為太過

太過為陽絕於裏亡津液大便因鞭也

陽脈實者表熱甚也因發汗熱

乘虛蒸津液外泄致汗出太過汗出多者

亡其陽陽絕於裏腸胃乾燥大便因鞭也

為陽芤為陰浮芤相搏胃氣生熱其陽則絕

浮芤相搏陰陽不諧

胃氣獨治鬱而生熱消燥津液其陽為絕 跌陽脈浮而澁浮則胃氣強澁則

小便數浮澁相搏大便則難其脾為約麻仁丸主之

跌陽

者脾胃之脈診浮為陽知胃氣強澁為陰知脾為約約者儉約之約又約束之約內經曰飲入於胃遊溢精氣上輸於脾脾氣散精上歸於肺通調水道下輸於膀胱水精四布五經並行是脾主為胃行其津液者也今胃強脾弱約束津液不得四布但輸膀胱致小便數大便難與脾約丸通腸潤燥

麻仁丸方

麻子仁

二升 甘平

芍藥

半斤 酸平

枳實

半斤 苦寒

大黃

一斤 去皮 苦寒

厚朴

一尺 炙去皮 苦溫

杏仁

一升 去皮尖 熬別作脂 甘溫

內經曰脾欲緩急食甘以緩之麻子杏仁之甘緩脾而潤燥津液不足以酸收之芍藥之酸以斂津液腸燥胃強以苦泄之枳實厚朴大黃之苦下燥結而泄胃強也

右陸味為末煉蜜為丸桐子大飲服十九日參服漸

加以知為度

太陽病三日發汗不解蒸蒸發熱者屬胃也調胃承氣

湯主之

蒸蒸者如熱熏蒸言甚熱也太陽病三日發汗不解則表邪已罷蒸蒸發熱胃熱為甚與調胃

承氣湯

下胃熱傷寒吐後腹脹滿者與調胃承氣湯

內經曰諸脹腹大皆

屬於熱熱在上焦則吐吐後不解復腹脹滿
者邪熱入胃也與調胃承氣湯下其胃熱
太陽病若

吐若下若發汗微煩小便數大便因鞭者與小承氣湯

和之愈吐下發汗皆損津液表邪乘虛傳裏大煩者邪在表也微煩者邪入裏也小便數大便因鞭者

其脾為約也小得病二三日脉弱無太陽柴胡證煩躁承氣湯和之愈

心下鞭至四五日雖能食以小承氣湯少少與微和之

令小安至六日與承氣湯一升若不大便六七日小便

少者雖不能食但初頭鞭後必澹未定成鞭攻之必澹

須小便利尿定鞭乃可攻之宜大承氣湯針經曰脉軟者病將下弱

為陰脉當責邪在裏得病二三日脉弱是日數雖淺而邪氣已入裏也無太陽證為表證已罷無柴胡證為無

半表半裏之證煩躁心下鞭者邪氣內甚也胃實熱甚則不能食胃虛熱甚至四五日雖能食亦當與小承氣湯微和之至六日則熱甚與大承氣湯一升若不大便六七日小便多者為津液內竭大便必鞭則可下之小便少者則胃中水穀不別必初鞭後溏雖不能食為胃實以小便少則未定成鞭亦不可攻須小便利尿定鞭乃可

傷寒六七日目中不了了睛不和無表裏證大便

難身微熱者此為實也急下之宜大承氣湯

內經曰諸脈者皆屬

於目傷寒六七日邪氣入裏之時目中不了了睛不和者邪熱內甚上薰於目也無表裏證大便難者裏實也身大熱者表熱也身微熱者裏熱也針經曰熱病目不明熱不已者死此目中不了了睛不和則證近危惡也須急與大承氣湯下之

陽明病發熱汗多者急下之宜大承氣湯

邪熱入府外發熱汗多者熱迫津液

發汗不解腹滿痛

將竭急與大承氣湯以下其府熱

者急下之宜大承氣湯

發汗不解邪熱傳入府而成腹滿痛者傳之迅也是須急下之

腹滿不減減不足言當下之宜大承氣湯

腹滿不減邪氣實也經曰

大滿大實自可除下之大承氣湯下其滿實若腹滿時減非內實也則不可下金匱要畧曰腹滿時減復如故

此為寒當與溫藥是減不足言也

陽明少陽合病必下利其脉不負者

順也負者失也互相剋賊名為負也脉滑而數者有宿

食也當下之宜大承氣湯

陽明土少陽木二經合病氣不相和則必下利少陽脉不

勝陽明不負是不相剋為順也若少陽脉勝陽明脉負者是鬼賊相剋為正氣失也脉經曰脉滑者為病食也又曰滑數則胃氣實下利者脉當微厥今脉滑數知胃有宿食與大承氣湯以下除之

病人無表

裏證發熱七八日雖脉浮數者可下之假令已下脉數

不解合熱則消穀善飢至六七日不大便者有瘀血宜

抵當湯 七八日邪入府之時病人無表裏證但發熱雖

脈浮數亦可與大承氣湯下之浮為熱客於氣

數為熱客於血下之邪熱去而浮數之脈俱當解若下

後數脈去而脈但浮則是榮血間熱併於衛氣間也當

為邪氣獨留心中則飢邪熱不殺穀潮熱發渴之證此

下之後浮脈去而數不解則是衛氣間熱合於榮血間

也熱氣合併迫血下行胃虛協熱消穀善飢血至下焦

若大便利者下血乃愈若六七日不大便則血不得行

畜積於下為瘀血與 若脈數不解而下不止必協熱而

抵當湯以下去之

便膿血也 下後脈數不解而不大便若是熱不得泄畜

血於下為瘀血也若下後脈數不解而下利

不止者為熱得下泄 傷寒發汗已身目為黃所以然者

迫血下行必便膿血

以寒濕在裏不解故也以為不可下也於寒濕中求之

金匱要畧曰黃家所起從濕得之汗出熱去則不能發黃發汗已身目為黃者風氣去濕氣在也脾惡濕濕氣內者脾色外奪者身目為黃若瘀血在裏發黃者則傷可下此以寒溼在裏故不可下當從寒濕法治之傷

寒七八日身黃如橘子色小便不利腹微滿者茵陳蒿

湯主之

當熱甚之時身黃如橘子色是熱毒發泄於外內經曰膀胱者津液藏焉氣化則能出小便不

利小腹滿者熱氣甚於外而津液不得下行也與茵陳湯利小便退黃逐熱傷寒身黃發熱

者梔子蘗皮湯主之

傷寒身黃胃有瘀熱當須下去之此以發熱為熱未實與梔子蘗皮

湯解散之

梔子蘗皮湯方

梔子

二十五箇擘苦寒

甘草

一兩炙甘平

黃蘗

二兩

右叁味以水四升煮取壹升半去滓分温再服

傷寒痲熱在裏身必發黃麻黃連軹赤小豆湯主之濕熱

相交民多病癰癰黃也傷寒為寒濕在表發黃為痲熱在裏與麻黃連軹赤小豆湯除熱散濕

麻黃連軹赤小豆湯方

麻黃

二兩甘温去節

赤小豆

一升甘平

連軹

二兩連軹根也苦寒

杏仁

四十箇甘温去皮尖

大棗

十二枚擘甘温

生梓白皮

一升苦寒

生薑

二兩辛温切

甘草

二兩炙甘平

丙經曰濕上甚而熱治以苦温佐以甘平以汗為故止此之謂也又煎用潦水者亦取其水味薄則不助

濕氣

右搗味以潦水壹斗先煮麻黃再沸去上沫內諸藥
煮取叁升分温叁服半日服盡

辨少陽病脉證并治法第九

少陽之爲病口苦咽乾目眩也

足少陽膽經也內經曰有病口苦者名曰膽痺

甲乙經曰膽者中精之府五藏取決於膽咽爲之使少陽之脉起於目銳眥少陽受邪故口苦咽乾目眩少

陽中風兩耳無所聞目赤胷中滿而煩者不可吐下吐

下則悸而驚

少陽之脉起於目眥走於耳中其支者下胸中貫膈風傷氣風則爲熱少陽中風氣

壅而熱故耳聾目赤胷滿而煩邪在少陽爲半表半裏以吐除煩吐則傷氣氣虛者悸以下除滿下則亡血血

驚虛者傷寒脉弦細頭痛發熱者屬少陽少陽不可發汗

發汗則讖語此屬胃胃和則愈胃不和則煩而悸

經曰三部

俱弦者少陽受病脉細者邪漸傳裏雖頭痛發熱為表未解以邪客少陽為半在表半在裏則不可發汗發汗亡津液胃中乾燥少陽之邪因傳入胃必發讖語當與調胃承氣湯下之胃和則愈不下則胃為少陽木邪干之故煩本太陽病不解轉入少陽者脇下鞭滿乾嘔不而悸

能食往來寒熱尚未吐下脉沉緊者與小柴胡湯

太陽轉入

少陽是表邪入於裏脇下鞭滿不能食往來寒熱者邪在半表半裏之間若已經吐下脉沉緊者邪氣入府為裏實尚未經吐下而脉沉緊為傳裏雖深未全入府外猶未解也與小柴胡湯以和解之若已吐下

發汗温鍼讖語柴胡湯證罷此為壞病知犯何逆以法

治之

少陽之邪在表裏之間若妄吐下發汗温鍼損耗津液胃中乾燥木邪干胃必發讖語若柴胡證不

罷者則不為逆柴胡證罷者壞病也詳其因何治之逆以法救之
三陽合病脉浮大上

關上但欲眠睡目合則汗關脉以候少陽之氣太陽之脉浮陽明之脉大脉浮大上

關上知三陽合病膽熱則睡少陰病但欲眠睡目合則無汗以陰不得有汗但欲眠睡目合則汗知三陽合病

膽有熱也傷寒六七日無大熱其人躁煩者此為陽去入陰

故也表為陽裏為陰邪在表則外有熱六七日邪氣入裏之時外無大熱內有躁煩者表邪傳裏也故曰

陽去入陰傷寒三日三陽為盡三陰當受邪其人反能食而

不嘔此為三陰不受邪也傷寒四日表邪傳裏裏不和則不能食而嘔今反能食而

不嘔是邪不傳傷寒三日少陽脉小者欲已也內經曰陰但在陽也

至小則平傷寒三日邪傳少陽脉當弦緊今脉小者邪氣微而欲已也少陽病欲解時從

寅至辰上

內經曰陽中之少陽通於春
氣寅卯辰少陽木王之時

釋音

厠

初吏切
圜溷也

瘕

音假腹
中久病

憤

古對切
心亂也

怵

勅律切
恐也

惕

音踢敬
也又憂

懼

也

瘵

丁賀切
勞病也

疸

音旦
黃病

傷寒論卷五終